

Dieses Werk wurde Ihnen durch die Universitätsbibliothek Rostock zum Download bereitgestellt.

Für Fragen und Hinweise wenden Sie sich bitte an: digibib.ub@uni-rostock.de

---

Christian Schlee Lorenz Tychsen

**Exgsis Vaticinii Davidici Ex Psalm. CX.**

Rostochi[i]: Reusnerus, 1610

<http://purl.uni-rostock.de/rosdok/ppn737659912>

Druck Freier  Zugang



Chr. Stedanus.  
R. U. theol. 1610.



16.

EX EGE SIS  
ΕΞΗΓΗΣΙΣ  
VATICINII  
DAVIDICI  
EX PSALM. CX.

DIXIT DOMINVS DOMINO MEO;  
SEDE A DEXTRIS MEIS, DONEC PO-  
NAM INIMICOS TUOS SCABELLUM PE-  
DUM TUORUM;

publicè proposita in Academiâ  
ROSTOCHIENSI,

Christiano Sledano,

S.S. Theol. Doctore & Profess. Publ.

Vt de eâ, XXVII. Octobris, in Scholis  
Theologorum placida *oīgymos* instituatur,

*Respondente*  
LAURENTIO TYCHONE  
Holsato.



ROSTOCHI,  
Typis Reusnerianis, Anno M. DC. X.

1640

## VIRIS

Reverendâ pietate, eruditione, & Authoritate præstan-  
tissimis, deg Ecclesiâ Christi & Scholis oprimè meritis,  
& adhuc merentibus,

- D. M. FRIDERICO DAME agri Fle-  
nopolit. Præposito digniss. & ad D. Nicol. { apud Flenspuro  
D. M. GERHARDO OUWVE genes Pastorib.  
ad D. Iohan. synceris, & fide-  
lissimis;
- D. M. FRIDERICO JOANNI ad D. Nicolai,  
verbi Divini ministro vigilantissimo,

Dominis Patronis, Fautoribus & Promotoribus suis  
debita observantie studio perpetime colendis;

REVERENDO AC DOCTO VIRO,

Dn. LAURENTIO TTCHONI Pastori apud  
Salenos in Holsatiâ fidelissimo, Parenti suo, sum-  
mo semper amoris & obsequij cultu  
proseguendo,

Hanc συζήτησιν Γεωργικήν in amoris Documento-  
rum, animiq; gratis monumentum

dicat,  
consecrat, offert.

Laurentius Tycho Jun. R.



# THEISIS I.



Um superioribus diebus haud ita pridem ad populum in publicis Ecclesiæ congressib. homileticè fuerit istud Regij Prophetæ de persona ac Regno Messia vaticinium ex Psalm. CX. (DIXIT DOMINUS DOMINO MEO : SEDE A DEXTRIS MEIS, DONEC PONAM INIMICOS TUOS SCABEL-

LUM PEDUM TUORUM ) enarratum; inde adeò nobis de commodâ & nostro instituto, hoc potissimum tempore, convenienter materiâ cogitantibus occurrebat articulus Fidei Catholicæ de SESSIONE CHRISTI AD DEXTERAM DEI PATRIS: quippe quem in hoc vaticinio tanquam in propriâ sede esse fundatum, nemo non animadvertis.

Hunc igitur Fidei nostræ articulum in suas controversias more Scholastico resolvere, ejusq; veritatem D E O auxiliante publicæ συμφιλοποίησε ergo explicare nobis est animus, si prius genuinam ipsius oraculi propositi sententiam fuerimus assecuti.

Principiò autem probè est sciendum, Numquid odi isthac de solo Messia seu CHRISTO unicè loquatur & intelligi debeat? Iudæi quidam simpliciter negant, huc Psalmum esse accipendum de Christo, sed illum referunt vel ad Abrahamum, quem ex prælio feliciter contra Reges gentium consepto redeuntem Gen. 14. Eleazar servus ejus alloquatur gratulabundus, hunc in modum: Dixit Dominus Domino meo, &c. vel ad Regem Ezechiam, qui ad dexteram templi confedit, & cuius hostes Deus potenter prostravit.

Verum non operæ est precium, fabulam istam operosè refellere, siquidem neq; Abrahamus, neq; Ezechias legitur fuisse Sacerdos, & quidem in æternum; aut de torrente in via bibisse, ut propterea capita sua exaltarint. Utraq; affectio attribuitur huic Domino, de quo præsens Psalmus vaticinatur.

Calvinus Iudaizans flatuit, posse hunc Psalmum aliquatenus personæ Davidis competere.

A

s. Nos,

6. **N**os, missis & Iudæorum & Iudaizantium nūgis, verba præsentis Psalmi non de alio quopiam quām de solo Messiā intelligi posse ac debere contendimus; idq; autoritate ipsius Christi afferentis Davidem hīc in Spiritu vaticinari de Messia: Matth. 22. itemq; suffragijs Apostolorum Petri 2. 34. & Pauli 1 Cor. 15. 25. Ebr. 1.13. & 5. 6. & 7. 21. hunc Psalmum disertis & perspicuis verbis ad Messiam unicè accommodantium, & ex eo luculententer demonstrantiū, quōd nulli mortalium, imò nec Angelorum uni cōveniant ea, quæ Regius vates de suo Domino in hac ode cecinerit. Nam, ut cætera indicia & documenta, quæ ex ipsis rebus tanquam visceribus hujus Psalmi enascuntur, præteream, hic Dominus, quem nobis Psalmographus cōmendat, hicce, inquam, Dominus & sedere jubetur ad dexteram Iehovæ, & inducitur tanquam Rex juxtā ac Sacerdos, nec tamen Aaronicus, sed Melchisedecianus; nec temporarius, sed æternus. Quorum nihil sive de Patriarchis, sive de Regibus, sive de Prophetis, qui à seculis fuerunt, potest dici. Singula a. in Messiam nostrum optimè & exactissimè congruunt. Accedunt priscorum Rabbinorum testimonia quæ Galatinus de arcana Catholicæ veritatis lib. 5. cap. 5. & lib. 8. cap. 24. & lib. 10. c. 5. ex comment. Thalmudicis prolixè recenset.
7. **Q**uibus stantibus, nunc non integrā oden enarrare, sed ejus primum dūntaxat versiculum, quem à verbo ad verbum jam ante recitavimus, exegeticè explicare liber, cuius summa complectitur Vocationem, quā Christus à Deo Patre ab æterno est constitutus & inaugurate Rex omnium. Suntq; verba singula adeò emphatica, ut hunc Regem ab alijs Regibus ac Monarchis omnibus in terris evidenter distinguant.
8. **Q**atuor enim in primis sunt expendendæ circumstantiæ, quibus videlicet exprimitur Regis hujus & **Autoritas**, & **Divinitas**, & **Majestas**, & **Felicitas**.
9. **A**UTORITATE seu Decreto D E I Opt. Max. non ausu proprio, sicut quondam Theudas & Judas Galilæus, Actor. 5. non stultis suffragijs, non malis artibus regiam administratiōnem Messias hic occupavit; sed in Concilio Sacrosanctæ individuæ Trinitatis Deus Pater, quem Vates hoc loco nominat illustri & soli D E O proprio nomine J E H O V A H, ab æterno

DJXII

**DIXIT** seu decreyit, constituit, & voluit, ut Filius suus vngeneratus Regnum universum, quod est & gratiæ & gloriæ & potentiarum, capesseret, admissus scilicet in societatem ac consortium majestatis, celitudinis, & operationis divinæ.

**10.** Et ut decretum illud æternis temporibus tacitum nobis mortalibus, quorum causâ erant hæc quasi comitia indicta, innocesceret; idè Psalmista denunciat, se ex afflato & instinctu Sp. S. de isto decreto ac voluntate Dei verâ scientiâ seu notitiâ habere, quippe quæ Deus asciverit tanquam æterni hujus consilij amanuensem ac notarium, ut istorum comitiorum dicta & acta generi humano patefaceret ac promulgaret. Nam in divinis vox hæc DICERE, (quæ Prophetis perquam est familiaris, quando divina oracula denunciare nobis volunt dicentes: *Dixit Dominus*) non tantum designat, quod decretum ab æterno facere, sed & idem, quod factum est, in tempore patefacere ac certò affevarare. Sic igitur *Feborah*, Deus Pater *Dixit* Filio suo, non quasi is de suâ, ad Messiæ officium electione ac destinatione esset incertus, (Quid enim ei opus est ullâ revelatione ac denunciatione, qui est ipsamet Sapientia Patris, & in quo omnies thesauri sapientiæ ac scientiæ sunt reconditi?) sed ut nobis potissimum de isto æterno decreto DEI certissimè constaret, quâm illud sit immotum & immutabile.

**11.** **DIVINITATEM** Regis Messiæ facilè estimare licet ex eo, quod vates ipsum appellat **DOMINUM SUUM**.

**12.** Ubi accuratè notetur, hoc loco à Davide neq; Messiam dici *Feborah*, sed Adonai; neq; Deum Patrem compellari Dominum suum. Non quod vel Messiæ non essentialè istud nomen Iehovah conveniat; vel quod David Deum Patrem non æq; atq; Filium ipsius agnoscat & veneretur tanquam Adonai, Dominum suum. Sed à lingua Sanctæ peritioribus didicimus, vocem *Feborah* esse nomen essentiæ, describens Deum absolutè, qualis est in se, & non qualis nobis est ac noster fieri potest; *Vocem autem Adonai non esse essentiæ*, sed operationis. Est enim, ut quibusdam placet, ab *Aden*, quod significat basin, sustentaculum, ac fulcrum. Unde *Adoni* interpretantur *Sustentatorem meum*.

*A 22 dñm ratiōne līlii* 13. **Pater**

13. Patet ex hisce Hebræorum observationibus, I: appellationem  
Adonai convenientissimè accommodari secundæ personæ Tri-  
nitatis, quæ sola est quasi fulcrum & sustentaculum, quod gra-  
vissimo oneri peccatorum totius mundi substar. Unde Christus  
dicitur nobis à patre factus justitia, sapientia, redemptio, i.  
Corinth. i. imò ipse est lapis angularis, super quem  
exædificata est Ecclesia, Eph. 2. & ipse portat omnia verbo virtu-  
tis suæ, Ebr. 1. II. Jeborah seu Deum ac Dominum illum ratione  
sue essentiæ perfectissimæ, absconditum, & in luce inaccessum  
habitantem, nec ulli creaturarum communicabilem fieri & ap-  
pellari posse Adonai, scilicet non quâ est & existit, sed quâ nos  
sustentat & salvat; Quod sit per unum & solum Christum,  
quem proposuit Deus propiciatóriorum in sanguine ejus, Rom.  
3. & per quem habemus accessum ad Deum Patrem cum fidu-  
ciâ Hebr. 4. isq; solus est via, veritas, & resurrectio Ioh. 14.
14. In tantum igitur hac vocabulorum, Jeborah & Adonai, com-  
mutatione nihil quidquam de Divinitate Filij Dei derogatur,  
ut eadem potius magis magisq; cōfirmetur ex eodē argumēto,  
quod videlicet David Messiam, quem ex suâ prosapiâ noverat  
oriundum, nihilo tamen minus in Spiritu nominaverit Dominum  
suum, agnoscens ipsum hon. nudum Hominem, nec sibi vel  
quoad personam vel quoad officium æqualem, sed multis mo-  
dis se majorem, talem quidem, cuius lex horum DEI Domini, hoc est,  
cuius ratio sic se habeat, ut sit simul Deus & Homo; quemad-  
modum ipse David loquitur, postquam à Nathane spem æ  
promissionem de Messia post multa secula ex familiâ ipsius  
nascituro acceperat 2. Sam. 7. 19.
15. M A J E S T A T E M hujus Regis ac Domini explicant ipfissi-  
fima formalia verba inaugurationis: S E D E, hoc est, regium  
æximus, dominiū, honorem, potestatem, & gloriā, quam tibi  
tendo, capesse, ita ut nec supra me, nec sub pedibus meis, nec  
sub dextra, sed A D D E X T E R A M M E A M regnes.
16. Quibus verbis ut divinæ gloriæ ac majestatis nulla sine pre-  
minentia sine diminutio, sed coæqualitas exprimitur: ita &  
Christo Regi plenaria Regni administratio juxta modum dex-  
teræ DEI committitur, & commissum esse, ciyibus Regni  
Christi solemniter denunciantur.

Quæ-

17. Qualis autem hæc sit majestas , & Quis horum verborum sensus genuinus, paulò pôst pleniùs explicabitur.
18. FELICITAS deniq; Regni Messiae describitur verbis inse-  
quentibus: DONEC PONAM INIMICOS TUOS  
SCABELLUM PEDUM TUORUM. Quæ verba  
in se continent amplissimam promissionem de prospero suc-  
cessu hujus Regni, quod Messias juxta æternum decretum Dei  
fuit in tempore commissum.
19. Quamvis enim Regnum illud assiduis quasi belli motibus  
graviter ac indefinenter ab hostibus ferociissimis & potentissi-  
mis, quorum quasi vexillifer est serpens iste antiquus, prin-  
ceps mundi, rector tenebrarum, Deus hujus seculi, homicida  
& mendax ab initio cum omnibus inferorum portis infestetur  
etq; oppugnet ut Civibus hujus Regni non modo non su-  
virer ex voto vivere, sed ne quidem sine metu esse licet: nu-  
llis tamen tot tantorumq; sævissimorum & truculentissimorum  
hostium viribus, fraudibus, alijsq; artibus everti hoc Regnum  
in omnem æternitatē poterit, sed Deus Pater omnes ac singu-  
los hostes Filio suo ac Dn. nostro Iesu Christo ad dexteram sui  
Patris sedenti pedibus conculcandos & conterendos objicit.  
Quâ spe ac promissione certissimâ fretus Messias pro sui Regni  
salute, incolumitate & libertate afferendâ masculè pugna-  
bit, & inimicos suos potenter oppugnat, omnibusq; viribus  
& armis planè exuet, ut ne hiscere adversus ipsum amplius  
ausint, donec de depositis seu devictis jam hostibus & ad pedes  
ipsius usq; in æternum profratis fit victoriam reportaturus  
arq; triumphatus tanquam Rex ac Dominus gloriae.
20. Duo autem hujus, quâ Regnum Christi describitur & exorna-  
tur, Felicitatis enarrantur adjuncta.
21. Vnum ex parte Hostium devictorum; alterum ex parte Mes-  
siae Victoris.
22. Illorum est Miseria; hujus, Victoria.
23. Quod ad Hostium miseriam, denunciatur ea fore summa, con-  
 juncta cum extremâ abjectione ac degradatione. Tametsi e-  
nim hostes Regni Christi videantur esse formidabiles potentia  
& impudentia, temeritate & malignitate; omnis tamen eorum

A,

1100-

penitus destuetur, cum jam paenit gravissimis erunt  
subjiciendi, quod ipsum Regi ac Domino nostro CHRISTO  
admodum est futurum gloriosum.

24. Atq; hanc gloriam & felicitatem Regis nostri innuit forma  
sermonis: *Poni ad scabellum pedum*: Quæ probè consideranda est  
& intelligenda juxta interpretationem Apostoli, qui eam vo-  
cabulis æquipollentibus, & *Destructionis & Subjectionis* exponit.  
*1 Cor. 15. v. 26. 27.*
25. Videtur autem hæc phrasis esse petita à ritu & consuetu-  
dine Uictorum ac præsertim Orientalium, qui equos conscen-  
suri devictos hostes loco scabelli olim adhibuerunt. Josua  
severè præcepit senioribus populi, ut Chananaeos debellatos  
pedibus conculcarent. *Ios. 10. 24.* De Adonibesech constat,  
ut is LXX. Reges sub mensam suam abjecerit, colligentes  
fragmenta ad pedes ipsius Iud. 1. 7. Idem fermè à Tamerla-  
ne factum fuisse accepimus, qui Bajacete usus est instar sca-  
belli.
26. *Quod Messia ac DOMINI nostri Victoriam*, prænunciatur hæc  
fore non temporaria & transitoria, sed æterna & nullis se-  
culis cessatura. Si enim fidei analogiam settari, ut maximè  
Scripturæ interpretem decet, velimus; oportet voculam inde-  
clinabilem, *Donec*, pro conditione subiectæ hujus materia;  
quæ est de Regno Messiae, ita referre ad tempus præcedens, ut  
de sequenti non affirmetur contrarium. Quo sensu perenni-  
tas seu æternitas Regni hujus confirmatur.
27. Interdum n, ut præter alios & Chemn. part. i. L. C. p. 148. obser-  
vavit, particulae *Donec* & *usq;* non semper significant terminum  
ac finem futuri, sed partem temporis, de qua dubitari poterat,  
reliquâ temporis continuatione, ceu per se notâ ac manifestâ,  
in medio relictâ. E.G. Quoniam nos Christiani in hoc mundo  
videmur esse deserti, adeò Christus nobis cōsolationis ergo pro-  
mittit se fore nobiscum *usq;* ad consummationē seculi. *Matt.*  
28. Non quod Christus consummato seculo in alterâ vitâ suos  
electos velit derelinquere, sed hoc tanquam notum & extra  
controversiam manifestum presupponit, tunc ipsum certissi-  
mè nobis adfuturum. Et Apostolus jubet Timotheum at-  
tendere

tendere lectioni, donec veniat. Quo præcepto non vult Timotheum in lectione sacrarum literarum debere esse tam diu assiduum, quoad ipse Apostolus absens fuerit; postea vero debeare eum à legendis Biblijs desistere. Confer & alia Scripturæ testimonia. Gen. 8.7. & 28.15. 2 Sam. 6.23. Mat. 1.25. & 5.19. Quin & communiter sic loqui consuevit. e. g. Vale, donec credas. Quæ forma valedictionis potissimum exprimit istud temporis intervallum, quod amicum, cui valedicimus, potest reddere certum, nos, etiam si simus absentes, de ejus valetudine ac fortunâ esse sollicitos.

28. Eodem modo, ut ad præsens negotium redeat oratio, æternitas Regni Christi indicatur per particulam, Donec. Neq; enim Christus eo usq; tantum, donec seu quo usq; inimicos suos superaverit, est sessurus à dextris DEI Patris atq; ex throno majestatis divinæ regnaturus, ita ut postea velit aut cogatur sedem istam deserere; quod in clarissima Scripturarum oracula impingit. Prophetæ enim fuerunt vaticinati, Regnum Christi fore Regnum æternum, quod non corruptatur, Da. 7. & cuius nullus sit unquam finis futurus. Es. 9. Luc. 1. Et ipsum verbum Sedendi, quo David hic utitur, non absolute significat Sedere, sed sedendo habitare, sedendo manere, & perseverare in sede, quemadmodum Hebrei annotant.
29. ATQ; haetenus succinctam & orthodoxam dedimus prioris versiculi in hoc proposito nostro Psalmo C X. ιερύμων; quæ quidem varias, utiles, & necessarias nobis observationes seu Locos doctrinæ de mysterio S. S. Trinitatis, de duabus naturis in Christo, de ejusdem Unione Personalis, de Exaltatione carnis Christi, de nostræ carnis dignitate ac præminentia super omnes creaturas, de efficacissimâ Consolatione in omnibus adversitatib. concipiendâ ex Sessione Christi ad dextram Patris, de reciprocâ ac mutuâ Christianorum & Inferorum hostilitate, & de alijs gravissimis rebus suppeditat.
30. Sed præcipua & hujus loci propria est Doctrina articuli de SESSIONE CHRISTI AD DEXTRAM DEI PATRIS. Quæ articulus quoties Chrysostomus apud animum suum fuit impensis meditatus, tories se in ἵπποι, quandam fuisse raptum, inq; altiores de

de humana nostrâ naturâ cogitationes descendisse, de seipso  
fatetur in Comm. epist. ad Hebr. cap. 2.

31. Ut igitur nos quoq; articuli hujus mysterium secundum fidei  
Christianæ simplicitatem expendamus, ordine despiciemus  
Controversias insequentes:

I. Quid nomine Dexteræ Dei in Scripturis veniat?

II. Quid ibidem nō Sedere, & quidem ad dexteram  
Dei Patris Sedere significet?

III. An majestas, quam Christus ex Sessione ad de-  
xteram Dei est consecutus, terminetur finitis donis &  
mensurata ac limitata gloriā?

IV. Fuxta quam naturam Christus ad dexteram  
Patris confideat?

V. Vtrum Sessio ad dexteram Patris planè coincidat  
cum Unione personali? seu Quando Christus ad dexteram  
Dei sit collocatus?

VI. Num ἐγγενεῖς Idiomatum, quam ἐπειδὴν ipsius  
Unioris seu incarnationis & λόγου fuisse facta credimus,  
perfectissime per Sessionem ad dexteram Dei illustre-  
tur? seu, An Christus postquam sese ad dexteram  
Patris collocavit, plenarium usum idiomatum divi-  
norum, Omnipotentia, Omniscentia, & Omnipresen-  
tia fuerit adeptus?

32. I. DEXTERA DEI simpliciter nihil corporale in Deo creato-  
re, nihil locale in rebus creatis significat.

33. Non in Deo; quippe qui est Spiritus, Ioh. 4. v. 24. apud quem  
propriè neq; dextrum, neq; sinistrum datur. Quo modo Au-  
gustinum lib. de Agone Christian. cap. 26. locutum legimus, quod  
nullā formā corporis DEUS definiatur & concludatur.

34. Nec in creto aliquo cælo thronum quendam localem, ac sedem creatitiam  
cælo

cœlo inclusam denotat. Principio n. nullis Script. testimonij adhuc demonstrari potuit, sessionem hanc Christi ad dexteram Dei solis cœli terminis circumscribi & finiri. Deinde ex Patrib. attendamus Chrys. Tom. 4. Hom. 2. in c. 1. ad Ebr. qui inquit: In Majestate dexterâ, In Excelsis, quid est? Num Deum loco includi? Absit. Sed sicut, cū dixit, In dextra, nō figurā humanæ corporis Deo tribuit, sed similitudinem manifestabit honoris, quem filius & eum habet cum patre; ita cum dicit (In excelsis) non eum loco includit, sed offendit calis esse altiorens. Deniq; absurdia exinde sequentur absurdissima; videlicet. I. illam sedem in cœlis iri aliquandiu relictum vacuam, quando Christus ad iudicium sit ē cœlis in nube redditurus. Christus enim disertè prædictus, se istud iudicium ex divino throno dexteræ Dei infra in nubibus yelle exercere Matth. 25. v. 31. Luc. 21. v. 27. II. Christum ipsum non minùs, quam creatitum illum, cui insidere fngitur, thronum cœlis includi. Atqui tantum abest, ut Christus cœlis includatur, ut longè supra omnes cœlos ascenderit. Eph. 4. v. 10. III. Dexteram Dei extra cœlum neq; esse, neq; inveniri, si hæc cœlo, ut locus loco, includeretur. At dextera Dei est ubiq; præsentissima extra & supra omnem locum Ps. 139. Accedit quod locus omnis naturalis non sit nisi creatus & finitus. Dextera autem Dei, omnium rerum conditrix, est increata & infinita, ut ex sequentibus magis innoscatur.

Anton. Sadeel de verit. hum. naturæ impie contendit. Dexteram Dei nusquam alibi proponi, quam in cœlo.

99. Nihil v. aliud per DEI DEXTERAM juxta infallibilem Scripturæ interpretationem & collationē intelligimus, quam divinam virtutē, potentiam, zelū, imperium, majestatem, gloriā, mea quæ præsens omnia implet, gubernat, sustéstat, servat, nulli loco exclusa, à nullo exclusa, ubiq; efficax, ubiq; præsens. Idq; demonstrant I. Scripturæ testimonia quâplurima & notissima, in quib. divinitatim & verè diyina opera tribuuntur huic dextræ. In primis vero notetur sententia Apostoli, qui Eph. 2. v. 20. 21. Sessionem hanc ad dextram Dei definit tali gloriâ, quæ sit super omnem principatum, & potestatem, & virtutem, & dominatio- ne, & omne nomen, quod nominatur non tantum in hoc, sed etiam in futuro seculo. II. Epitheta quædam emphatica, ut quod

appellatur Dextra δυνάμεως ἢ Θεὸς Matt. 26. 64. Luc. 22. 69.  
μεγαλοσύνης εὐτῆς θεοῦ, Ebr. 1. & 8. quæ voces adjectæ sensum  
hujus dexteræ genuinum declarant. III. Orthodoxæ Antiqui-  
tatis suffragia; Ita enim dextram Dei definit & explicat Grego-  
rius Nyssenus apud Theodoreum in dial. 2. ἡ δεξιὰ ὁ Θεός ἡ πονητικὴ τῆ-  
στρατῶν τῆς πέντε τῆς ἵστησιν ὁ κύριος, διὸ τὸ πέντε ἐχθρόπεπτο, τοῦτο δὲ χωρὶς τοῦτο.  
τοῦτο τὸ πεντεπότερον δὲ, τὸ τέταρτον ἐνθέτεντος αὐτῷ αὐτοῖς εἰς τὸ ιδίον αὐτή-  
γαγένεται. Dextra Dei, omnium effectionis, que est ipse Dominus, per quem o-  
mnia, & sine quo factum nihil, unitum sibi hominem in propriam celitudinem  
excedit. Augustinus lib. 1. de Symbolo ad Catech. c. 1. Dextram in-  
tellegite potestatem, quam accepit homo ille suscepimus a Deo. Et contra ser-  
monem Arrianorum. Dextra Dei est aeterna illa & ineffabilis felicitas,  
quod peruenit filius hominis. Thomas par. 3. q. 58. art. 1. id ipsum prolixè &  
verè probat, arguens inter cetera allegat sententiam Damasceni: Non  
localē Patris dextram dicimus, sed gloriam & honorem Deitatis. Quomodo ea  
nun qui incircumscribilibilis est, localē adipisceretur dextram.

36. Quod autem Sacra Scriptura divinam gloriam & majestatem  
appellatione Dexteræ Dei dignatur, id non αὐθεωνίως, sed αὐ-  
θεωνηθώς dictum intelligatur, quo Spiritus Sanctus sese ad  
nostrum captum accommodat, ut res impervestigabiles aliquo  
modo nostro intellectui adumbrentur. Quemadmodum enim  
homines suam potentiam, & vires maximè faciunt conspicuas  
non levā, sed dexterā manū, cuius usū præcipua officij sui ope-  
ra perficiunt & exequuntur, (ut cum Psalm. 144. v. 8. dicitur:  
Dextera eorum, dextera iniquitatis seu mendacij, hoc est, fallit eos  
fiducia propriæ potentiarum, nec possunt assequi, quod cupiunt) ita  
per Metonymiam cause Dextra Dei significat efficacem virtu-  
tem & præsentiam, quam Deus in rerum omnium ac in primis  
Ecclesiæ conservatione & gubernatione ostendit. Et quem  
honore excipere volumus, eum ad dextram collocare solemus  
ad exemplum Salomonis, qui honoratus matrem collocavit  
a dextris i Reg. 2. Sed hæc pleniū ex insequentibus intel-  
ligentur ad quæst. 3.

Inter αὐτὴν τὸ principem locum facile occupant *Antropomorphites*,  
& *Manichei*, qui membra humana Deo attribuerent non erubuerunt.  
Calviniani Dextram Dei eidem pro certo celi loco seu de limitata sive  
restricta quadam dexteræ Dei, quæ non se extendat ad omnia, sed quæ in  
celis

ecclis tantum contineatur, accipiunt, Bullingerus in 1. ad Cor. pag. 206.  
& in tractat. verb. Domini, In domo Patris: pag. 20. & in Apol. Tigur. ad D. Andr. p. 96, edit Anno 1575. Beza ad 3. partem libri Brentiani p. 601. 607. & de omnipot. carnis Christi contra Brent. fol. 133. Ursinus part. 2. Catech. pag. 127. Petrus Martyr. in Dial. de utraq; in Christo natura p. 75. Georgius Major in Postilla part. 3. p. 118. & 119. Quibus non bene convenit cum suo Calvino, qui in comm. in cap. 1. ad Eph. Hic inquit, locus aperte ostendit, quid significet Dei dextera, non locum scil. aliquem, sed potestatem, quam Pater Christo contulit, ut ejus nomine caeli & terra imperium administret.

37. II. Est & S E D E N D I vox probè expendenda. Si incomplexè sumatur, tunc sedere propriè designat situm corporis; Metalepticè idem est, quod vel morari vel quiescere: Nū. 32.6. Luc. 24. v. 49. vel imperare & regere. 1. Reg. 1. 30. Ps. 9. 4. Es. 16. 15. Complexè si phrasis usurpetur, Sedere ad dexteram Dei, neq; corporis situm & modum corporeum ac localem significat; quoniam thronus ille dextræ Dei est illocalis & incorporeus; Ita & Epiphan. in Ancorato τὸ κάθηται, μὴ ἐπολέμουσε αἰθρωπίνως, αὐτὸν αἰνιγμάτως οὐδὲ ἀκατέληπτως. S E D E T, ne accipias humano sensu, sed ineffabili & incomprehensibili. Et Cyrillus; Magna, inquit, est amentia per sessionem ad dextram Dei, situm aliquem intelligere, sicut forsitan mater filiorum Zebedei intellexit; vel sicut latro ad dextram peperdit.

Neg, simpliciter denotat, quod regnare ac dominari. Nam & Sancti in cœlestibus regnant, quos tamen nemo dixerit sedere ad dextram Dei Ebr. 1.

38. Neg, omnino idem est, quod infinitam ac divinam potentiam erga creaturas exercere; cum illud opus sit commune singulis tribus personis divinitatis, quas tamen non singulas confitemur ad dextram patris sedere.

39. Sed hæc locutio sensu idem h̄c sonat, quod est in divinissimi, ut ita loqui liceat, regni dominijq; cœlestis atq; omnipotentiae societatem & consortium suscipi, assumi, pervenire, omnibusque creaturis, bonis & malis, cœlestibus, terrestribus, infernalibus, pari & equali cum Patre & Spiritu Sancto potentia, divinitatisq; gloriæ æternæ presentem ubiq; locorum potenter & sapienter imperare, regnare, dominari. Sicut enim Reges ad dextram suam collocant, quos in Regni societatem admittunt, significantes hoc ritu, se velle dignitatem, majestatem, & potestatem

Matrem suam cum his esse communem; sicut modo de Salomone matrem suam honoraturo diximus 1. Reg. 2. ita Christus dicitur esse ad dextram Dei Patris collocatus, ut significetur, Christum accepto à Deo Patre imperio, pari cum eo potentia in Ecclesiā regnare, ejusdemq; throni & sedis esse participem ac consortem. Cujus interpretationis testem habemus omni exceptione majorem Apostolum 1. Cor. 15. 25. Eph. 1. v. 20. 21. 22. Heb. 1. v. 3. 4. 5. Suffragatur explicationi nostrae Primus Augustini discipulus, qui verbum Sedendi in cap. 1. ad Ebr. interpretatur pro habitudine in plenitudine maiestatis, dignitatis, honoris, & gloriae. Basilius Magnus de Spiritu Sancto: Τὸ δέξιον ἐπί τῷ καθεδρᾷ δηλοῖ, αὐτὸν τὴν τρόπον τὸν χέαν: Esse in dextra non significat esse in certo loco, sed pari potentiā cū aliquo regnare.

*Ant.* Sacerdotem veritatis, hum. naturae, Hoc, inquit, loquendi genus est metaphoricum, & significat aequalē gloriam cum patre, & aequale imperium cum Deo patre. *Calvinus* in cap. 1. ad Epb. non ab Orthodoxorum sensu videtur longè abesse, quum scribit: Sedere h. l. non ad corporis collocationem pertinet, sed summā regnandi autoritatem exprimit, quā Christus est prædictus, &c. Dicitur ergo Deus Pater Christum extulisse ad dexteram suam, quia consortem ipsum imperij sui fecerit, quia per ipsam omnem suam potestatem exerceat. Cum autem dextera Dei cœlum & terram impleteat, sequitur, Regnum Christi ubiq; esse diffusum. Unde perpetram faciunt, qui ex sessione ad Dextram Dei, conantur probare, Christum non nisi in cœlo esse. *Habenus Calvinus.*

Idem tamen sui q. oblitus in 21. cap. Matt. ad v. 22. & in 26. cap. Matt. v. 64. & in c. 16. Mar. v. 19. phrasin (Sedere ad dextram Patris) explicat per illud, quod est secundam à Deo potestatem seu secundum & inferiorem honoris gradum obtinere. Et *Petrus Martyr* in Dial. Sessionem Christi explicat similitudine Monarchæ, cui aliquis consiliariorum ad dextram sedeat; Item patris statura procerioris, qui filiolum sibi habet consideratē dextris; ut doceat inferiorem quandam honoris gradum, non aequalē Christo Patris potentiam concessam. *Bullingerus* ridiculē admodum statuit, Sedendi vocabulū hic significare idem, quod Quiescere.

40. III. Elucescit ex hoc ipso, quid ad tertiam questionem sit respondendum, quum in dubium vocatur; Quænam illa sit gloria & potentia, quæ nomine Dextræ Dei venit, finitanè, limitata, restricta & creata, an infinita, increata, & purè divina? Divinam nemo facilē negaverit, nisi quis forsan per insignem impietatem, & Deum Patrem omnipotentem, creatorem cœli

& ter-

**G**terre, cuius hæc esse afferitur manus, in censum creaturæ-  
sum referre velit; **G**loriam, quam Christus juxta naturam  
assumentem habuit ab æterno, & quā suam carnem in tem-  
pore glorificari perit Iohan. 17. **G**Omnem potestatem in cœlo  
& in terra, quam Christus sibi jure vendicat, Math. 28. finitam,  
limitatam, & mensuratam dicere ausit. **P**raterea media inter  
Angelorum creatam, & Dei increatam, potestatem, ac majesta-  
tem datur nulla; At Christus est electus ad dextram Dei, ad  
quam nullus Angelorum pervenire potest, Heb. 1. Ergo ma-  
jestatem & gloriam soli & uni Deo propriam fuit Christus suâ  
ad dexteram Dei sessione consecutus.

**P**orr̄d quia Christo collocato ad dextram Dei sunt omnia subje-  
cta, & nihil est omissum quod non sit ei subjectum, Ebr. 2. v. 8.  
estq; per Sessionem ad dexteram Dei constitutus super omne  
quod nominari potest in hoc ac futuro seculo Eph. 1. v. 20. 21.  
ex eo cōsequitur, Sessionem ad dexteram Patris esse definiten-  
dam, infinitæ gloriæ ac potentiarur usurpatione. **D**eniq; gloria,  
quam Christus ex hac sessione obtinet est, divinæ & increatae  
majestati vel æqualis, vel inæqualis; Non inæqualis: Dextera  
enim Dei, cuius hæc est gloria, semper est sibi similis. Ergo est  
væqualis, &c.

**C**alviniani singunt potentiam & gloriam quandam intermediate, quæ sit &  
minor, quam est ipsius Dei, & major, quam Angelorum & hominum, ut  
loquuntur Pseudo Vitebergenses Theologi in questionibus pag. 61.  
Similiter Calvinus in c. 16. Marci v. 19. Dextera, inquit, metaphorice  
significat secundam à Deo potestatem. Petrus Martyr in Dial. de u-  
traq; in Christo natura fol. 19. fac. b. Quod annexis, humanam natu-  
ram evestam esse ad infinitam potentiam, non facile dabo: quia quod  
finitum & terminatum est, infinita non capit. Sufficit hominem Chri-  
stum, bona ultra omnes creature, quæ vel cogitari, vel nominari pos-  
sunt, esse consecutum. **D**anæus pag. 1449. operum: Potestas, quæ  
Christo data est, est vicaria potestas. Confer Beza in colloquio lat. Mom-  
pelg. fol. 206. & Resp. 1. ad acta colloq. Mompelg. fol. 21. 87. 113. 137.  
142. 144. 157. 180. &c.

**41. IV.** Hæc Sessio ad dexteram Patris, hoc est, consortium & soci-  
etas divinæ potentiarur ac gubernationis competit non divinæ in  
Christo naturæ, quæ est ipsa dextera Dei, Es. 53. v. 1. ac proin-  
de juxta illam nō potest collocari ad dextram Dei; sed alij à di-

B 3

yinitate

vinitate naturæ, assumptæ scilicet. Quod dum dicimus, majestatem sessionis ascribimus, neq; naturæ assumptæ extra personam, quia natura hæc est in personam & λόγον assumpta, ita ut non ab illâ in æternum divelli possit: neq; personæ tribuimus absq; ullo respectu naturæ assumptæ: sed personam & λόγον juxta seu secundum assumptam humanam naturam credimus ac docemus sedere ad dexteram patris.

Calviniani locos omnes scripturæ, qui de Christi majestate loquuntur, intelligi volunt de personâ citra respectum alterutrius naturæ. Vide Ant. Sadelem de verit. hum. naturæ in operibus pag. 189. 190. 191.

In transitu a notetur, particulis distinctivis (*Juxta & Secundum*) hoc loco non essentiali proprietatem, sed certum objectum seu certam naturam vel respectum alterutrius naturæ, humanæ scilicet, in Christo venire.

Contra Antonius Sadeel de verit. hum. naturæ p. 190. istas particulas dicit significare proprietatem naturæ.

Atq; hanc majestatem Sessionis ad dexteram omnipotentiae & dominij super omnes creaturas obtigisse Christo juxta carnem, probatur partim Scripturæ testimonijs, partim Argumentis, partim Patrum suffragijs.

Ex plurimis scripturæ dictis hæc pauca annotasse sufficiat Psal. 110. Dan. 7. v. 27. Luc. 1. v. 33. & 22. v. 69. Act. 2. v. 36. Eph. 1. v. 20. Phil. 2. v. 8. 9. Eb. 1. v. & 8. & 10. & 12. 1. Pet. 3. Col. 3. quæ singula hunc articulum de Sessione evidenter transferunt ad humanam naturam in Christo, ut nemo non per se intelligit, qui allegata loca inspicerit, & diligenter animo secum perpenderit.

Argumenta pro nostrâ assertione nobis suppetunt non pauca; ut-pote I. quia Pater in hac exaltatione Christum fecit Dominum, Act. 2. v. 36. imò Christus est factus per Sessionem Angelis sublimior. Ebr. 1. Phrasis a. (*Facere & Fieri*) non potest absq; impie-tate intelligi de divinâ illius naturâ, in quam mutatio minimè cadit; siquidem vis hujus verbi (θύμησις, hoc est Factus) necessariò importat quandam mutationem. II. quia secun-dum quam naturam Christus est resuscitatus à mortuis, secundum eandem est collocatus ad dexteram patris. Iam verò resuscitatus est humanitate, quæ erat mortua, non Dei-ate, quæ est ipsa vita. III. quia ut habet axioma Patrum, quic-

Quicquid gloriæ in tempore datur Christo, id ratione naturæ, vel divinæ, vel humanæ, vel utriusq; detur necesse est. At Christo nihil omnino dari in tempore potest secundum divinitatem, quæ est natura immutabilis, Jac. 1. omnemq; suam maiestatem ab æterno à Patre per ineffabilem generationem, communicatione essentiali, citra ullam mutabilitatem possidet, Ioh. 16. Ex quo suâ sponte consequitur, Sessionem ad dexteram Dei competere Christo non ratione utriusq; naturæ simul. Ergo assumpta nostra caro sedet in altissimo throno dexteræ maiestatis & potentiae divinæ. IV. Secundum quam naturam Christus est Filius Davidis, secundum eandem sedet ad dextram Patris; quia Filius Davidis est dictum: Sede à dextris meis Psal. 110. Math. 22. Christus est Filius Davidis secundum carnem, Röm. 1. Ergo. V. Agnus quæ mactatus est, sedet ad dextram in throno Dei maiestatis divinæ. Atqui mactatus est carne 1. Pet. 3. Ergo. ¶ Subscriptit sententia nostræ universa Antiquitas Orthodoxa, cuius consensum Augustinus refert 1. 3. de Symbolo c. 8. Quis est, qui sedet ad dexteram Patris? Homo Christus. Nam in quantum Deus, semper cum Patre & ex Patre, & quando ad nos processit, à Patre non receperit. Et in Serm. de Symbolo: Ipsam dextram intelligite potestatem, quam accepit ille homo suscepimus à Deo; ut beniat judicaturus, qui venerat judicandus. Athanasius: Sede à dextris meis, hoc ad dominicum corpus dictum est; quia secundum divinam naturam antea est in celo & in terra, & omnia implet Christus, & in nullum thronum denudò probehitur. Dominus glorie non acquirit gloriam, sed caro Domini glorie ipsa accipit gloriam eterna in celum. & Ἰψός ὁ Θεός επέκλητος ἦν τοῦτο τὸ ὑψόσθιον. Excelsus n. non exaltatur, sed caro excelsi exaltatur, &c. Cyrillus 1. 8. Thes. c. 1. altissimus Dei filius semper est Deus: exaltatur ut homo. Ambrosius 1. 5. de fide: Disce nunc, quod secundum carnem omnia subiecta accipiat. Et paulo post: Secundum carnem itaq; ei omnia subiecta traduntur, secundum quam & à mortuis est resuscitatus. Damascenus 1. 3. c. 6. natura nostra est assumpta & sedet ad dexteram patris.

Ant. Sad de verit, hum, naturæ p. 190. vi veritatis adactus non potest non fateri, Sessionis ad dexteram Dei infinitam gloriam, non ad divinam æternitatem naturam, sed ad humanam naturam pertinere, in qua plenissimè æterna gloria iam reluxerit. Veruntamen ipse sibi non constat, quippe qui, ut & Calviniani pleriq; prolixè contendit, Christum non secundum humanam naturam esse ad dexteram Patris collocatum.

Ursinus parte secunda catech. p. 224. contendit Christum secundum utramq; naturam sedere à dextris Dei patris.

Bussem in Thesibus contra Gerlaighum; & Bellarm. Tom. 1. controv. pag.

pag. 320, afferit, Christum ut Deum, non ut hominem, sedere ad dextram Dei. Et sic gens Esavitica quodammodo descendit in castra Passionitarum, Seleucianorum, & Hermianorum, qui olim negarunt, Christum ad dexteram Dei sedere in carne, quippe quam in passione ante ascensionem ipsum dimisisse & expoliasse comminiscuntur.

42. V. In tantum verò articulos de Incarnatione  $\delta\lambda\gamma\sigma$ , seu de Unione duarum naturarum in Christo hypostaticâ, & de Unione Christi ad dextram Patris non confundimus, ut disertè confitemur, gloriam Sessionis dependere à mysterio Unionis hypostaticæ, tanquā effectus consequens est à causâ efficiēte. Nisi n. caro Christi in  $\lambda\gamma\sigma$  hypostasin personaliter fuisse assumpta, nunquam in thronum dexteræ virtutis Dei evahi potuisset. Dextra n. Dei, omnium creatrix, hominem unitum per Unionem evexit ad propriam celsitudinem, ut paulo anté ex Greg. Nysseno citavimus. Non igitur est confusio, sed accurata cognitorum articulorum Fidei, Unionis videlicet & Sessionis, qui sese habent ut causa & effectus, ut antecedens & consequens, ut terminus à quo & terminus ad quem, collatio. Una quidē & numero eadē est majestas & gloria, quæcarni Christi in Incarnationis momento per & propter Unionem hypostaticam obtigit; & quam nunc sedens à dextris æterni Patris plenissimè exerit, hujus tamen majestatis & gloriæ ratio est alia, quatenus  $\tau\alpha\kappa\mu\nu\omega$ ; consideratur seu quatenus haberi & possideri dicitur, alia quatenus  $\tau\epsilon\tau\mu\pi\kappa\omega$ ; intelligitur, h. e. quatenus usurpatur & exercetur. Prius ab Unione; posterius à Sessione ad dextrā Dei dependet; ac proinde quod ex Unione persona li duarū naturarum in Christo, sive ex Incarnatione  $\lambda\gamma\sigma$  posse esse, &  $\tau\alpha\kappa\mu\nu\omega$  haberi colligimus, id ex majestate Sessionis ad dextram verè etiā Eſſe, atq;  $\tau\epsilon\tau\mu\pi\kappa\omega$  sese exerceere cognoscimus, ut Theologorum alij accurate loquuntur. Et ad quam gloriam per Unionem Christus erat adductus, ejus gloriæ usum plenarium & absolutum per Sessionem est consecutus. Unio igitur est fundamentum; Session ad dextram Dei Patris est provectio ad plenarium usum, seu est illustris quadam & quasi solemnis in divinam gloriam inaugratio. Præterea ne status profundissimæ Exinanitionis & altissimæ Exaltationis confundantur, Sessionem ad dextram Dei Christo demum post Ascensum

sum ad cœlos, quo Exinanitio omnis suum finem prorsus est for-  
tita, tribuimus. Accedit, quod historia Evangelica Christo demū  
post passionem tribuit gloriam. *Luc. 24. v. 26. Ph. 3. v. 9. Ps. 110. 7.*  
Deniq; Patres nobiscū consentiunt. Sic n. *"Amor sui in cap. 1 ad Ebr.*  
*Victori Filio post Resurrectionis gloriae honorabilitate Confite paterna majestatis offertur.*  
Per calumniam igitur nobis Calviniani & inter hos Anton. Sadeel de Ver hum.  
nat. p. 191. afflicant & affingunt, ac si Unionem hypostaticam & Sessio-  
nem ad dextram Dei, Exinanitionem & Exaltationem, confundentemus.

43. VI. Ex quo cōsētaneum est, quod humana Christi natura per &  
propter Sessionem ad dexteram nō potuerit nō jam inde amplius  
à die Ascensionis in cœlos in omnem sempiternam æternitatem,  
cūm cætera omnia divinitatis idiomata, quæ sibi habuit realiter  
& personaliter communicata ab illo statim pūcto, quo in utero  
matris à divinitate λόγος est assumpta; tūm sigillatim & *Omnipo-*  
*tentiam & Omniscentiam & Omnipræsentiam uno*, continuo, perpetuo  
ac perfecto actu sine ullā cessatione, intermissione, & suspensio-  
ne, uti quidem sub servili Exinanitionis habitu in miraculosis o-  
peribus particulari quadam declaratione majestas ejus per in-  
tervalla quasi per nebulam emicuit, exerere.

*Beza* diversum statuit in Coll. lat. p. 205. & in Resp. Heidelb. p. 165. inquiens:  
De humanitatis omnipotentiā, omnisciētiā, & omnipræsentī aliquoties  
respondemus, illa non humanitati etiā unitæ, sed hominī illi uāl dñe  
attribui. *Anhaldini in Apol. Form. Concord.* p. 348. Quoniam humanitas  
Christi creatura est & manet, non potest, nec debet illud, quod Dei est, illi  
asscribi. Quocirca non est omnipotens, omniscia, omnipræfens.

44. Et quidem carnis assumptæ OMNIPOTENTIAM, quam alij Domi-  
nium rerum omnium inrerpretantur, sub gloriā Sessionis ad dextram  
Dei comprehendēti luculentē evincunt Scripturæ testimonia. I.  
*Cor. 15. v. 25. Joh. 3. & 13. Eph. 1. v. 20.* Nec de Christo verē posser  
prædicari, quid esset per exaltationem ad dextram Dei esse & tu  
Dominus & quidem juxta sententiam Ps. 8. Dominus super o-  
pera manuum Dei, & quod omnia ei essent subjecta, Eph. 1. nisi  
verē esset omnipotens. Omnipotentiæ n. opus est, res cunctas  
gubernare & moderari. Deniq; nō sedere ad dextram Dei Patris  
est omnipotentiā divinā omnia in cœlo & in terrā operari ac re-  
gere. Christus humanā naturā sedet ad dextram Patris. Ergo  
Christus homo est particeps omnipotentiā ac divinæ operationis  
per omnia in cœlo & in terra.

*Coatrā Beza l. d. Communicationem*, inquit, quā dicitur humanitas suo  
quodam

quodam modo omnipotens ne verbalem quidem esse dicimus, sed tamen falsam existimamus, quam falsum est, Vnione hypostaticâ humanitatem ex aliis deitatem.

45. Non minus & OMNISCIENTIA in Incarnationis momento primitus collatæ plenissima usuratio ex Sessione à dextris Dei confirmatur. Plenus n. usus Omnipotentiæ ex necessitate subinsert plenum sapientiæ & scientiæ usum; ac proinde si qua in Christi mente esset adhuc ignorantia, non verè ac perfectè ipsa ad dextram Dei esse collocatum credere possemus. Absurdum n. esset, in æternâ vitâ, nedum in dexterâ Dei fingere distinctas quasdam temporum vices, per quas Christi mens humana res cognoscibiles intueretur.

Confess. Heidelb. Theol. pag. 83. negat increatam & immensam sapientiam & omniscientiam Christo juxta carnem communicatam.

46. OMNIPRÆSENTIAM deniq; naturæ humanæ itidem non dubitamus ex conditione Dextræ Dei demonstrare; non quod Ubiquitatem quandam localem, aut humanæ naturæ monstruosam extensionem fingamus, sed quia illocalis dexterâ Dei, in quâ humana Christi natura sedet, negat omnem corporeitatis & localitatis conditionem, ob id carnem Christi omnibus creaturis præsentem citra ullam sui extensionem & citra ulla locorum intervalla ex sede ac throno majestatis pro ratione dexterâ Dei, quæ in partes non est dividua, adesse & dominari afferimus. Cujus assertionis argumentum nobis B. Lutherus subministrat hoc modo:

Quicquid sedet ad dexteram Dei, seu, Quicquid à dextris Dei est ratione loci inseparabile, illud est nulli inclusum, nullibi exclusum, hoc est, ubique illud est præsens.

Humana Christi natura est ratione loci à dexterâ Dei inseparabilis.

Ergo humana Christi natura est nulli loco inclusa, à nullo loco exclusa, hoc est, omnipræsens est.

¶ In part. 1. Catech. explic. p. 24. Christus est verus Deus & verus homo.

Itaq; secundum hum. naturam jam non est in terrâ. Anhaldini in Confid. præfatio. lib. Concord. præfixæ p. 30. Tanta est hujus portentis de carnis Christi omnipræsentiâ monstruositas, ut nullus unquam ejus hereticorum acutissimorum publicum ejus patrocinium suscipere ausus fuerit. Hasiander Anonymus de re Sacrament. p. 109. nugari eos scribit, qui statuunt Christum secundum utramq; naturam esse ubiq; quia sedeat ad dextram Patris.

FINIS.





1  
23  
4  
5  
6  
78  
9  
10  
11  
12  
13  
14  
15  
16  
17  
18  
19  
W  
XA  
B  
C  
D  
E  
F  
G  
H  
I  
K  
L  
M  
N  
Focus  
O  
Balance  
Q  
R  
S  
T  
VierFarbSelector Standard - Euroskal

44.

45.

istus humanā naturā sedet ad dextro est particeps omnipotentis ac mniūm in carnī.

onem ; inquit , quā dicitur humanitas suo s̄ne verbalement quā de m̄ esse dicimus, sed tam falsum est, Vni- hypostaticā humanita-

NTIAE in onis momento usurpatione à dextris necessitate si

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 70 80 81 82 83 84 85 86 87 88 89 80 90 91 92 93 94 95 96 97 98 99 100

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 30 40 41 42 43 44 45 46 47 48 49 40 50 51 52 53 54 55 56 57 58 59 50 60 61 62 63 64 65 66 67 68 69 60 70 71 72 73 74 75 76 77 78 79 70 80 81 82 83 84 85 86 87 88 89 80 90 91 92 93 94 95 96 97 98 99 100

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 30 40 41 42 43 44 45 46 47 48 49 40 50 51 52 53 54 55 56 57 58 59 50 60 61 62 63 64 65 66 67 68 69 60 70 71 72 73 74 75 76 77 78 79 70 80 81 82 83 84 85 86 87 88 89 80 90 91 92 93 94 95 96 97 98 99 100

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 30 40 41 42 43 44 45 46 47 48 49 40 50 51 52 53 54 55 56 57 58 59 50 60 61 62 63 64 65 66 67 68 69 60 70 71 72 73 74 75 76 77 78 79 70 80 81 82 83 84 85 86 87 88 89 80 90 91 92 93 94 95 96 97 98 99 100

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 30 40 41 42 43 44 45 46 47 48 49 40 50 51 52 53 54 55 56 57 58 59 50 60 61 62 63 64 65 66 67 68 69 60 70 71 72 73 74 75 76 77 78 79 70 80 81 82 83 84 85 86 87 88 89 80 90 91 92 93 94 95 96 97 98 99 100

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 30 40 41 42 43 44 45 46 47 48 49 40 50 51 52 53 54 55 56 57 58 59 50 60 61 62 63 64 65 66 67 68 69 60 70 71 72 73 74 75 76 77 78 79 70 80 81 82 83 84 85 86 87 88 89 80 90 91 92 93 94 95 96 97 98 99 100

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 30 40 41 42 43 44 45 46 47 48 49 40 50 51 52 53 54 55 56 57 58 59 50 60 61 62 63 64 65 66 67 68 69 60 70 71 72 73 74 75 76 77 78 79 70 80 81 82 83 84 85 86 87 88 89 80 90 91 92 93 94 95 96 97 98 99 100

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 30 40 41 42 43 44 45 46 47 48 49 40 50 51 52 53 54 55 56 57 58 59 50 60 61 62 63 64 65 66 67 68 69 60 70 71 72 73 74 75 76 77 78 79 70 80 81 82 83 84 85 86 87 88 89 80 90 91 92 93 94 95 96 97 98 99 100

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 30 40 41 42 43 44 45 46 47 48 49 40 50 51 52 53 54 55 56 57 58 59 50 60 61 62 63 64 65 66 67 68 69 60 70 71 72 73 74 75 76 77 78 79 70 80 81 82 83 84 85 86 87 88 89 80 90 91 92 93 94 95 96 97 98 99 100

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 30 40 41 42 43 44 45 46 47 48 49 40 50 51 52 53 54 55 56 57 58 59 50 60 61 62 63 64 65 66 67 68 69 60 70 71 72 73 74 75 76 77 78 79 70 80 81 82 83 84 85 86 87 88 89 80 90 91 92 93 94 95 96 97 98 99 100

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 30 40 41 42 43 44 45 46 47 48 49 40 50 51 52 53 54 55 56 57 58 59 50 60 61 62 63 64 65 66 67 68 69 60 70 71 72 73 74 75 76 77 78 79 70 80 81 82 83 84 85 86 87 88 89 80 90 91 92 93 94 95 96 97 98 99 100

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 30 40 41 42 43 44 45 46 47 48 49 40 50 51 52 53 54 55 56 57 58 59 50 60 61 62 63 64 65 66 67 68 69 60 70 71 72 73 74 75 76 77 78 79 70 80 81 82 83 84 85 86 87 88 89 80 90 91 92 93 94 95 96 97 98 99 100

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 30 40 41 42 43 44 45 46 47 48 49 40 50 51 52 53 54 55 56 57 58 59 50 60 61 62 63 64 65 66 67 68 69 60 70 71 72 73 74 75 76 77 78 79 70 80 81 82 83 84 85 86 87 88 89 80 90 91 92 93 94 95 96 97 98 99 100